


國立故宮博物院珍藏

清代起居注冊

光緒朝
第六十四冊



清代起居注冊

光緒

國
冊
限

請于下列日期前將書還

博物院珍藏



光緒二十七年七月上	三二四一三
光緒二十七年七月下	三二四七三
光緒二十七年八月上	三二五五三
光緒二十七年八月下	三二五八九
光緒二十七年九月上	三二六三七
光緒二十七年九月下	三二六七一
光緒二十七年十月上	三二七〇五
光緒二十七年十月下	三二七四七
光緒二十七年十一	三二七八九
光緒二十七年十二	三二八二五
光緒二十七年十一	三二八八九
光緒二十七年十二	三二九七



0000027308

37507

六十四冊

清代起居注册 / 光緒朝 / (清)徐致祥等奉敕撰, --
 民國76年：臺北市，聯合報文化基金會國學文獻館印
 行，影印本
 80冊 21公分
 據國立故宮博物院藏手稿本影印
 聯經出版事業公司總經銷

I. (清)徐致祥等奉敕撰

654.77/7974/76

NT\$ 68,800.00

76 · 02 · 0650

· 6500113

清代起居注册

光緒朝第六十四冊

資料提供者 國立故宮博物院
 景印者 聯合報文化基金會國學文獻館
 發行人 王必成
 發行者 聯經出版事業公司

臺北市忠孝東路四段五六一號
 電話：七六三一〇〇〇一六九五
 郵撥：〇一〇〇五五九！三號
 行政院新聞局登記證局版臺業字〇一三〇號
 保有版權·翻印必究

中華民國七十六年二月初版

光緒朝共八十冊
 定價每部新台幣六八八〇〇元

光緒二十七年歲次辛丑七月初一日甲子內

閏欽奉

慈禧端佑康頤昭豫莊誠壽恭欽獻崇熙皇太后懿旨
自上年駐蹕西安倏將閱歲該省民風質樸荒旱以
後災困未蘇迭經頒發巨帑源源賑濟現雖普得透
雨可慶有秋惟目前生計尚屬艱難深宮實殷廕念
慈值回鑾伊邇再行特沛恩施著頒給內帑銀十萬

兩交升允酌量散放俾沾實惠以恤窮黎又奉

諭旨前擇七月十九日回鑾早經降旨宣示朕侍奉

聖母皇太后無日不矐懷

宗

社北望思歸方擬依期啟鑾早紓

慈念乃昨據升允奏稱關中秋熱較伏暑尤甚大雨之

後泥淖彌旬懇請展期回鑾並代奏陝西全省紳

民籲懇俟天時涼爽再行啟蹕庶萬乘之重不至
冒暑遄征等語復據松壽奏稱本年夏令積雨連
旬河水驟發蹕路多被沖毀靈寶閭鄉等處深溝
一綫之路山水暴注尤屬危險泥深數尺節節阻
滯鞏縣行宮現因洛河漫溢工程亦有損失刻正
設法趕修因思七月間秋熟方盛六飛在道實非
所宜懇恩將回鑾日期改至八月節後秋高氣爽

較為安適一摺該撫等所奏查係實情不能不加
審慎沿途行宮前已有旨力從簡略即或備辦未
齊原可遷就惟山溝險窄積潦未退勢難暢行且
秋陽正熾溼熱薰蒸

聖母高年方資衛攝值此憂勞靡暇尤宜保重

起居若長途跋涉逐暑遄征揆諸敬養之道朕心萬不
能安即天下臣民之心亦必不安再四籌維祇得

籲懇

慈恩勉從該撫等所請准改於八月二十四日恭奉
慈輿啟蹕回京所遑不過月餘一切較為妥慎著即遵
照辦理將此諭令一體知悉各該地方官仍屆期
敬謹預備又奉

諭旨朕稟承

慈訓常以躬行節儉為天下先我

聖母皇太后平日節用愛人無微不至自上年駐蹕關
中宮廷服御膳羞尤無一不極從簡省地方每日
供億皆有定數諸事撙節力祛糜費即此次啟鑾
回京沿途行宮供張早經傳知屏除華靡帳褥綵
棚之屬均飭無庸備辦自上用以至內監人等所
需車馬數目皆開單親加裁核極為減少

聖慈愛惜物力廛念艱難至於如此爾大小臣工更當

觀感興起各崇儉約庶幾上下交儆返樸還純至
將來蹕路所經一切用費均已准撥正款原不至
擾累民間惟修治道途等事終恐損及農田有勞
民力朕仰體

慈懷深加軫恤允宜特沛恩施所有陝西河南直隸各
地方凡係蹕道經行之處應徵本年錢糧著加恩
豁免如有業經徵收者准其流抵來年正賦各該

督撫卽飭藩司刊刻謄黃先期頒行張貼俾衆咸
知務期實惠及民毋任吏胥舞弊用副朝廷巡方
布澤子惠黎元之至意將此通諭知之又奉

諭旨甘肅正考官著饒士端去副考官著鄭沅去又
奉

諭旨本日召見之河南補用同知周鉞著以知府
仍留河南遇缺卽補又奉

諭旨張之洞奏保薦人才一摺湖北候補道朱滋澤
徐家幹均著交軍機存記又奉

諭旨張之洞奏特參貪劣各員請分別懲處一摺湖
北署歸州知州試用知縣龔瑞清任用劣紳丁役
藉端勒捐逼斃民命著革職提訊按律懲辦勦縣
知縣曾圓藻糊塗執拗任聽差保勒和命案著即
行革職興山縣知縣崔長文加增陋規擅釋監犯

著開缺以巡檢降補以示懲儆餘著照所議辦理
該部知道

是日

起居注官宗室毓隆趙尚輔

七月初二日乙丑內閣奉

諭旨本日召見之知府用候選同知已革江西德安
縣知縣朱士林著開復原官以同知留於廣東補
用又奉

諭旨漕政日久弊生層層剝蝕上耗國帑下朘民生
當此時勢艱難財用匱乏亟宜力除糜費核實整
頓著自本年為始各直省河運海運一律改徵折

色責成該督撫等認真清釐將節省局費運費等
項悉數提存聽候戶部指撥並查明各州縣向來
徵收浮費責令和盤托出全數歸公以期集成巨
款仍由該督撫將提存歸公各數目先行具奏至
倉儲關係緊要全漕既經改折自應按年籌備詳
定辦法所有採買運解收放儲備各章程及到倉
後應如何嚴責成防弊竇之處著漕運總督倉場

侍郎分別妥議統限於兩月內覆奏毋稍違誤將
此通諭知之又奉

諭旨張之洞奏特叅已故知縣虧短正款逾限未繳
請飭嚴追並將家產查封備抵一摺已故前任湖
北安陸縣知縣王立勳虧短錢漕等項共銀三千
六百餘兩之多屢催未解實屬延玩已極著張之
洞查明該故員家屬是否回籍有無資財寄頓勒

限嚴追並著安徽巡撫將該故員原籍家產嚴密
查抄備抵以重庫款而儆效尤該部知道

是日

起居注官恩祥趙尚輔